

大家好！歡迎收看快樂電視台，下背係今晡日愛報導个新聞

▲在 108 年初立法院通過國家語言發展法，主要係愛保障台灣本地族群个自然語言同台灣手語个傳承、復興摺發展，教育部規定在 111 學年度，國中摺高中愛教本土語，就係對國小到高中都有學老話、客語文、原住民話个課程，還有本土語个電視台，節目精彩又多元，教育部也有設置專門个網站，毋管係愛學拼音、造句抑係讀文章搞遊戲總概都有，也有卡通(vang` ga`)做得看盡生趣，大家做得試看啊。

▲講著日月潭、溪頭、杉林溪、合歡山，這兜有名个風景區，逐年就錫當多國內外盡多个人客來觀光，毋過，上隻月仁愛鄉舉辦合歡山、清境淨山个活動，志工清出兩千零袋个垃圾，堆到像一粒矮山仔恁多，包尾請公所个清潔隊來分類清淨擲忒，南投好山好水盡好遶奈，在這愛拜託來觀光欣賞風景个人，垃圾毋好儘採擲，抑係嘍菸、起火煮食，避免引起火災也做得共下維護大自然个美景。

▲最近有來台灣遊覽个外國人，轉去以後，在厥个面書項講偲台灣係『行人地獄』，這係講在台灣行路係盡危險个事情，根據交通部个資料，今年一、二月有六萬六千零件交通事故，死亡人數 529 個人其中有 3 個係細人仔，平均逐日差毋多會俛有 9 個人因為交通事故死忒，雖然政府有規定人行在斑馬線項，車仔愛停在三公尺以外，毋過也係有人過斑馬線該時節分車仔撞死，這下政府愛修法提高違規罰金同吊銷駕照，故所大家愛「讓一下等一下，分你偲佢平安一生人」。

以上新聞報導到這，偲係第【】號 安到 ooo，感謝大家个收看！